

Na temelju članka 6. Zakona o računovodstvu i reviziji Bosne i Hercegovine („Službeni glasnik BiH“, broj 42/04), članka 7. Zakona o računovodstvu i reviziji u Federaciji BiH („Službene novine Federacije BiH, broj 83/09), Upustava o osnovama i kriterijima kontinuirane profesionalne edukacije u BiH („Službeni glasnik BiH“, broj: 42/09 i 4/10), čl. 6. i 21.-27. Statuta Saveza računovođa, revizora i finansijskih djelatnika Federacije BiH i čl. 9. Pravilnika o kontinuiranoj profesionalnoj edukaciji broj: PR-1/12-09 i odredbi Pravilnika o prijavljivanju, odobravanju i nadzoru kontinuirane profesionalne edukacije broj: PR-1/7-2011, Upravni odbor Saveza računovođa, revizora i finansijskih djelatnika Federacije BiH na svojoj 58. sjednici održanoj 19.11.2011. u Mostaru donio je:

UPUTSTVO

o načinu prijavljivanja za izvođenje kontinuirane profesionalne edukacije

Članak 1.

Ovim Uputstvom se propisuje sadržaj Prijave za izvođenje kontinuirane profesionalne edukacije.

Članak 2.

Uputstvo su dužni primjenjivati svi izvođači kontinuirane profesionalne edukacije (KPE) koji žele da se njihova pojedinačna edukacija prizna i budeje kao zvanična edukacija za KPE.

Članak 3.

Prijavljivanje se vrši na obrascu „Prijava za izvođenje kontinuirane profesionalne edukacije“ koji je sastavni dio ovog Uputstva.

Članak 4.

Prijava se popunjava na sljedeći način

- a) U rb. 1) unosi se puni naziv Izvođača
- b) U rb. 2) unosi se opis cilja koji se želi postići prijavljenom edukacijom, a u skladu s Međunarodnim obrazovnim standardima i Godišnjom prijavom koji je Izvođač dostavio.
- c) U rb. 3) unosi se opis metodologije koje će biti korištena prilikom izvođenja edukacije – ex cathedra, radionički, interaktivno uz pitanja i odgovore itd.
- d) U rb. 4) unosi se opis interne kontrole kvaliteta koju će Izvođač primijeniti za prijavljenu edukaciju
- e) U rb. 5) unose se nazivi mjesta u kojima će se edukacija održavati
- f) U tabelu pod rb. 6) unose se podaci prema nazivu kolone:
 - i) Naziv teme
 - ii) Oblast kojoj tema pripada prema Međunarodnim obrazovnim standardima (članak 6. Pravilnika o kontinuiranoj profesionalnoj edukaciji)
 - iii) Ime i prezime predavača
 - iv) Učila i materijali koji će se koristiti prilikom edukacije
 - v) Trajanje svake teme kroz broj školskih sati koji pripadaju pojedinoj temi

Članak 5.

Prijava mora biti datirana i potpisana od strane ovlaštene osobe Izvođača.

Članak 6.

Prijava se dostavlja na adresu Saveza, a postupak obrade vrši se prema Pravilniku o prijavljivanju, odobravanju i nadzoru kontinuirane profesionalne edukacije.

Članak 7.

Ovo Upustvo stupa na snagu danom donošenja i primjenjuje se od 1.1.2012. godine.

Članak 8.

Upustvo se objavljuje u elektronskoj formi, na web stranici Saveza, a primjerak originala se čuva u sjedištu Saveza.

U Mostaru, 19.11.2011.

Predsjednik Upravnog odbora Saveza

Augustin Mišić

Broj: U-KPE-1/11-2011